

Kristoni Hinjao



Amazing Facts
Study Guide

23



Baibel a bungw mwnse lo mwdwm, eba mwndli dong, jerao Jisua Gaoni jwbtha somni mansifwr – Kristoni hinjao gwdankou lenghor dwng. Makasefwrni takwi be batraya gwhw hwgra nonga, manwna dinwi songsarao rwja rwja mwndlifwr dong jaifra gaoswrkou Kristian bungnanwi layw. Dhwrwmkou lananwi gaswibw gaoswrkou lswrni mwndli hwnnanwi dabi kalamw, natai biswrni gejerao mwnfrwmbw mwndlia Baibelni bwswnkou bujinaiao, fwtainaiao, arw maninaiao guarwi farakti donglaiw. Jaifra switwkou switw gwsjwng mwnfrwmbw mwndlini fwtainaikou bijirnanwi naiwbla, biswrni tar switwkou mwnnw hanaini jebw raha gwia. Theubw, gwbang mwndlifwrkou lananwi gwnw gwtw janaiao jwng Jisukou hambai hwnnagou manwna biw Gaoni mwndlini swmwndwi rwkha rwkhawi bijirnanwi hwbai jaikou nwgw altuawinw sinainw mwngwn! Jisuni tar mwndlini swmwndwi wrwi badi rwkhawi arw gwhwni gejerjwng bijirnaikou, Nujahwjana 12 arw 14 ao mwnnw, arw be nwngkou gwmwtaw switwni gejerjwng jwbwt rongja hwgwn arw jwbna 1 sanfrao nwngkou hefajab kalamgwn.

Gwswo Laki: Be gws swlaihwgra switwkou dihunnnai lamayao tabai naini sigang onnanwi **Nujahojana 12:1-17** kou forairgdw.

1

Jisua ma nabini nerswnkou lananwi Gaoni mwndlini swmwndwi fwrmaidwng?

“Zion-ni bicajwkou Ang sase somaina siklajwng rujudwng” (Jeremia 6:2 KJV). “De, jwngw rongjani arw kusi jani; bini mohimakou baknaini! Manwna Menda bicaha haba janaini soma sofwibai, arw bini hinjao gwdana gaokou tam tim kalambai. Gannw takwi binw sikwn, arw gwjwng mis mis kosab hwnai jakabai” (Nujahojana 19:7, 8).

Finnai: Study Guide 22 ao jwng swlhwngbai je Jisuni switw mwndlini nerswna (Zion-ni bicajw) sase gwtar sikla arw nongkai, gwglwinai mwndlifra sase nwti hinjao. **(2 Korintiari 11:2; Epesusari 5:22, 23; arw Jesaia 51:16 KJV).**



2

(Nujahojanai 12:1) ao, Jisua Gaoni mwndlikou sase siklakou “san-ni kosab,” jwng lwgwse “bini ating singao okafwr,” gwnang arw koroao “jinwi hatorkifwr gwnang mwnse kirti” gandwngmwn. Be nerswnfwrni wngtia ma?

Finnai: San-a Jisu, Bini gaham radab, arw Bini dhwrwmiakou fwrmai. “Fwrbu Iswra san” (Gitfor 84:11). (Malaki 4:2 koubw naidw.) Jisu nongabla basai janaia gwia (Tonhorjanai 4:12). Gaswibw mungafwrni krui, Jisua lubwiw je Bini mwndlia Bini thanaijwng arw mohima gwjwng janai. “Atingni gahaiao okafwr” –a Gwjam Rodaini buli baonai hudafwrkou fwrmai. Jwrwi okafwra san-ni mwdannai srangkou rifinhwyw, bi badinw buli baonai hudafra Basaigiri fwinaini mwdannai sranga rifinbla lo atmik jiuao kamani hwyw (Ebraiari 10:1). “Jinwi hatorkifwrni kirtia” Bini 12 selafwrni kamanifwrkou fwrmai. jaifra Gwdan Rodaini mwndli-ni gibi bwsrwrwrkou fosong naini kirti ganhwng.

3

Beni unao, nabini raoa bungw je bi hinjaoa sase goto sari jahang jabai, sari jakangbla bi gotoa sanse somao gaswibw rajjwfwrkou swrni laotijwng sason kalamgwn. Bi hinjaoa unao “hoa goto” sari jabai, arw unao biw swrgwao Iswrni rajthaoniao langkw jabai (Nujahojanai 12:1, 2, 5). Be bicaya swr mwn?

Finnai: Be bicaya Jisumwn. Biw sanse somao gaswibw rajjwfwrkou swrni laotijwng sason kalamgwn (Nujahojanai 19:13-15; Gitfor 2:7-9; Johan 14:1-3, 14). Jisu, jaia jwngni fapni takwi krusao dwktab jadwngmwn, biw twinainifrai tangkangdwng arw swrgwao thangdwng (Tonhorjanai 1:9-11). Bini tangkangfin-naini gwhwa Bini mansifwrni jiuao gwnangtar banta (Filifiari 3:10).



4

(Nujahojanai 12:3, 4) —a gibiaonw “mase geder or badi gwja ajanggor jibou” jaia bi “hoa goto” kou mugwiw arw bini sari janaiao bikou sitarnw naja dwngmwn bikou Sinai hwyw. (Study Guide 20 ni gejerjwng nwnng bi ajanggor jiboukou gwsu kangnw hagou.) Bi ajanggor jiboua swr?

Finnai: Ajanggor jiboua Switankou fwrmai, jaia swrgw nifrai baherao hwkar jadwng (Nujahojanai 12:7-9) arw Jisuni sari janai somao musuka kulumgra Rome-ni gejerjwng biw kamani maodwngmwn. Jai sasongiria Jisukou bini sari janai somao sitarnw najadwngmwn biw Herod rajamwn, jaia musuka kulumgra Rome-ni singao sase rajamwn. Biw Bethlehemni gaswibw hoa gotofwrkou sitarjwbdwng, mijingti dwngmwn je biswrni gejerao Jisubw thagwn hwnnanwi (Matai 2:16).

5

Ajanggor jibouni “Mwnsni korofwr” arw “gongji gongfwr,” arw “swrgwnifrai fantamni fanse hatorkifwrkou” buhumao bwklainaini wngtia ma?


Finnai: “Mwnsni korofra” dorsni hajfwfwrkou fwrmaidwng jerao Rome-a lunai jadwng (Nujahojanai 17:9, 10). Jwngni Study Guideni gejerjwng da jwng mwnsni korao gongji gong gwnang junarni swmwndwi kebtamsim naikabai (Nujahojanai 12:3; 13:1; 17:3). “Gongji gongfra” swrkarfwr, eba rajfwfwrkou fwrmai, jaia Iswrni mansifwr arw mwndlini berekawi bi dersin gajri gwhw gwnangkou hefajab kalamw. Musuka kulumgra Rome-ni somao (Nujahojanai 12:3, 4), 10 junar akuni jatfwfwrkou fwrmai jaia pope kantikou hefajab kalam nanwi jwbthayao Rome Samrajwkou kwklwidwng (Daniel 7:23, 24). Bi jatfira unao atikalni Europe jabai. Jwbnai bwtwrao, befwr songsarni gaswibw rajfwfwrkou fwrmai jaifra kousei jagwn (Nujahojanai 16:14; 17:12, 13, 16) jaifra Iswrni

mansifwrni jenga “geder Babil” kou hefajab kalamgwn. “Swrgwni fantamni fanse hatorkifra” arfofwrkou fwrmaiwi jafirra Lucifarkou hefajab kalamdwng arw swrgwao bigrairi janaiao Switanjwng lwgwsewi biswrw binifrai gahaiao kwklwi horjadwng (**Nujahojanai 12:9; Lukas 10:18; Jesaia 14:12**).

Bijirna Naifinnai Arw Gubwi Rao

**Be baidiwi, nabini raoni gejerjwng gahaiao hwnai
Baibelni nonggubwigou batrafwrkou mitinw mwnbai:**

1. Iswrni switw mwndlia, sase gwtar aijwkou fwrmaiwi.
2. Jisua be mwndlia sari jayw.
3. Switana, musuka kulumgra Rome-ni Herod rajani gejerjwng Jisukou sitarnw najayw.
4. Switani bitangkia jafungsara.
5. Jisua swrgwao thangfinw.



6


Switana gaoni bitangkini gejerjwng Jisukou sitarnw hayiao ma kalambaow?

“Biw bi hinjaokou nasoiw jaia Jisukou jwnwm hwdwngmwn” (**Nujahojanai 12:13**).

Finnai: Switana gaoari Jisukou gaglwbwn hayiao, da biw Iswrni mwndli arw bini mansifwrkou nasoi naini takwi, jwbwt raga jwngnaijwng bitangkia labai.

Do Sinainw hanaini Aidafwr

Nujahojanai 12 balab arw 14 ao, Bini jwbtha mwndlikou sinainw hanaini takwi Jisua do bijirnaini aidafwrkou hwdwng. Be Study Guide-ni gejerjwng mitibaonw hanaini takwi gwsu hwnanwi njjwr hwdw.



Gwbang lakh lakh
mansifra kuntlayao
kananwi Switani nasoi
naujwng or-ao caotar
jadwng.

7

(**Nujahojanai 12:6, 14**), ao be hinjaa (mwndlia) gaokou basainw ma kalamkw, arw “maru gwrn” ni wngtia ma?

Finnai: 6 arw 14 siria bungw, “Bi hinjaa maru gwrnao karlangdwngmwn,” jerao biw Switani raga jwngnainifrai “mwkse som arw somfwr arw adha som” (eba 1,260 nonggubwigou bwsrfrwr) rwikhati mwndwngmwn-bi somao Switana Rome-ni Pope-kantini gejerjwng kamani maodwngmwn. “Mwnnwi gangfra” “maru gwrnao” mwndlikou bi somao Iswrni rwikhati arw hefajabkou fwrmaiwi (**Ongkarlangnai 19:4; Huda Bijap 32:11**). 1,260 bwsr som maru gwrnao thanai somjwng arw pope-kantini sason arw nasoinai somjwng eke somaonw (AD 538 nifrai 1798 sim) jaikou Baibelni nabini raoao gole gole bungbai thakadwng. Gwswoa laki, sanse nabini dina bwsrse tar bwsr (**Esekiel 4:6**).

"Maru gwrn" swdwb-a firtimini sunsan jaigafwrkou (hajfwr, dondorfwr, hagramafwr, baidi baidi.) kou fwrmaiwr, jerao lswrni bicafra kakmanw hayw arw furaywi songhar kalam janainifrai kargonw hayw

(Ebraiari 11:37, 38). Bi somfrao Waldenses, Albigenses, Huguenots, arw gwbang gubunfrabw bi badinw kakma dwngmwn. Pope-kantini jwbwt gilul balu nasoi najjwng bisomao lswrni mansifra (Bini mwndlia) karkmayabla arw kakmayabla fwjwbsrang jagoumwn. (Mwnse 40 bwswrni somao, Jesuits-ni gibi bitwn hwnai nifrai, 1540 maitai, nifrai 1580 maitai simao, gu jou rwja (900,000) mansifra sitar jadwng. 30 bwswrni naibijirni somao jouse baji rwja (1,50,000) mansifra songhar kalam jadwng. Biswrni fwtai naini takwi 1,260 bwswrni somao Komwiblabw 50, lakh mansifra twinw gwnang jadwng. lswrni mwndlia bi bwsrwrnwrni somao mwnse songstha arw bini maokulifwr jananiw taoriakwimwn. AD 538 nifrai 1798 sim, lswrni mwndlia taori nanwi dongmwn naitai biswrha mwnse afadni sinaiti gwiamwn. Jebba biswrw 1,260 bwswrni, unao kakma nainifrai ongar bwdwng, oblabw biswrha jebw afad gwiamwn, naitai biswrni bwswn kanti fwtai naia arw akol akufra jwrwi twnhorjanai Jisuni selafwrni mwndlini, bi badinw ekemwn, jebba biswrw AD 538 somao "maru gwranao" kakmanw habdwngmwn.




Baibelni nabini raoao Nujahwjanai 12:6 - ao 1,260 sanfwrkou pope kantini 1,260 tar bwsrwrw sason kalamnai hwnnanwi gole gole fwrmaidwng.

Jwngw da Jisuni jwbtha mwndlini mwnnwi jwngni gibi sinaitini aidafwrkou dihunbai:

1. AD 538 arw 1798 ni gejeriao lswrni mwndlia mwnse afad maokuli jananiw taorinai nonga.
2. 1798 ni unaosw be mwndlia jikanggwn arw gaoni jwbtha kamanikou maogwn.

1798 ni sigang bisomao, gwbang onsula, tar Kristianfwrni mwndlifwr dongmwn, biswrw gaoswrni afad maokulini gejerjwng taori nanwi dongmwn. Naitai bi mwndlifra mwnsebw lswrni jwbtha mwndli janw haya jerao Jisu a Gaoni mansifwrkou bini singao lenghordwng, manwna Jisuni jwbtha mwndlia 1798 ni unaosw uji kangfingwn. Beni wngtia benw je gwbangsin Protestant mwndlifra lswrni jwbtha mwndli janw haya manwna biswrni maokuli afad-a 1798 maitaini sigangnw taori nanwi dongkaywmmwn.



Jwbtha si-a si toflani jwbtha aglainai si. Be si-a bi mwnse toflaninw sigangni si-jwng eke milaiv.

8

Nujahojanai 12:17 ao, lswra Gaoni jwbtha mwndlikou thabaonai mwndli bungdwng [KJV]. "thabaonai" swdwbni wngtia ma?

Finnai: Beni wngtia jabai jwbtha thalangnai bahagw. Jisuni mwndli baidibla, jwrwi twnhorjanai selafwrni mwndlia, gaswibw Saswrni bwswnfwrjwng swligramwn, bi badinw Jisuni jwbtha mwndliabw swligwn.

Jini adra talangnaya abung jini jwbtha adra tanai bahagwi beyw rkwkwnse abung jini gibi bahagwjwng gwtwbw.



9

(Nujahojanai 12:17) ao, Jisua Gaoni jwbtha thalangnai mwndlini swmwndwi ma mwnnwi aidafwrkou hwder baodwng?

Finnai: Be mwndlia gaswibw ji hukumfwrkou manijwbwgn, snini Sabbath brwiti hukumjwng lwgwse (**Johon 14:15; Nujahojanai 22:14 KJV**). Be mwndliha "Jisuni sakki" bw thagwn, jaikou Baibel-a bungw Jisuni sakkianw nabi badi bungnai jiu – Spirit of Prophecy (**Nujahojanai 19:10 KJV**). (Nabi badi bungnai jiuni banta mwnnaini swmwndwi furawi mitinw takwi Study Guide 24 ao naidw.)

Jwbnai bwtwrni Bini jwbtha thalangnai mwndlikou sinainw takwi jwnggha da Jisuni mwnnwi aidafwr dong:

3. **Be mwndlia gaswibw ji hukumfwrkou manijwbwgn, snini Sabbath brwiti hukumjwng lwgwse.**
4. **Be mwndliha nabi badi bungnai jiuni banta thagwn.**

Gwswoa laki gwbang switw Kristianfwrni hanjafra mwndlifrao dong jaifra Sabbathkou mania eba nabi badi bungnaini banta gwia, be mwndlifra lswrni jwbtha thalangnai mwndli janw haya jerao Jisua jwbnai sanoa Kristianfwrkou lenghordwng manwna lswrni jwbnai bwtwrni mwndlia lswrni hukumfwrkou mani jwbwgn arw nabi badi bungnai jiuni banta thagwn.



10

Nujahwjana bijab-a lswrni jwbtha thalangnai mwndlini swmwndwi ma jwbtha mwnnwi sinaitini aidafwr hwbbaodwng?

Finnai: Do-aidafwrni gejeraw be jwbtha mwnnwi aidafra benw:

5. **Be dularai mulugni dhwrwm fwsaogra mwndli jagwn (Nujahojanai 14:6).**
6. **Be mwndlia Nujahojanai 14:6-14 ni satam arfofwrni radabfwrkou fwsaogwn, jaifwrkou gubwi raoao gahaiao hwnai jabai.**

- A. Be somao lswrni bisar-a jagasenw dong. lswrkou kulumdw! lswrni jwbnai bwtwrni mwndlia 1844 maitaiao lswrni bisar jagaijennaini swmwndwi fwsaogwn (18 arw 19 Study Guidefwrkou naidw). Be mwndlia bi lswrkou kulumnw mansifwrkou lenghordwng, "Jaia swrgw, buhum, lwtw arw dwimufwrkou dadwng, bikou kulumdw!" (**Nujahojanai 14:7**). lswrkou jwng swrjigiri hwnnanwi mabrwi kulumnw? Bini finnaikou lswra brwiti hukumao lirdwng. "Nwngw Sabbatni dinkou gwtarwi lakinw takwi gswkwangflaidw. ... Manwna do dinfwrao ang FWRBUa nokrang, firtimi, sagwr ar biaoni dongnaimanikou swrjidwng, ar snini dinao jiraidwng, binikainw ang



*Iswrni adra
talangnaifra
mulugnangwinw
satam arfofwrni
kourangfwrkou
fwsaografwr
janangou*

FWRBUa Sabbatni dinkou gwtar kalambai (**Ongkarlangnai 20:8, 11**). Binikainw, seti arfoni radab-a Bini snini Sabbath dinkou gwtarwi lakinanwi gaswikoubw Iswrkou swrgiri hwnnanwi kulumnw twndwng, jaikou Biw Swrjinaini takwi gwswkang nerswn fosongdwng.

B. Babilni gwglnai mwndlifwrnifrai ongarbwdw.

C. Bi junarkou dakulum eba bini hangkwou dala, jaia switw Sabbathni ongaywi Deobarkou gwtarwi lakiw. Gaswibw nkwlfifwrnifrai sabodan ja.

Fwi jwng da Bini jwbtha thalangnai mwndlikou sinainw takwi Jisuni do aidafwr hwnaikou bijirna naifinni:

1. Be AD 538 arw 1798 ni gejeraw mwense maokuli afad badi taorinai nonga.

2. 1798 ni unaosw ujikangfingwn arw biw gaoni kamanikou maogwn.

3. Be Ji Hukumfwrkou snini Sabbathjwng lwgwse manigwn.

4. Beha nabini bungnai jiuni banta thagwn.

5. Be dularai mulugni dhwrwm fwsaogra jagwn.

6. Be **Nujahojanai 14:6-14** Jisuni mwntam aidafwrni radabkou fwrwngwn arw fwsaogwn.

11

Da jwng Jisuni jwbtha mwndlikou sinainw takwi do aidafwrkou fosongbai, Jisua jwngkou ma kalamnw twndwng, arw bijwng lwgwse ma fitaini takwi?



Finnai: "Naigir, obla nwngrwr mwngwn"

(**Matai 7:7**). Da Jisua nwngrkou bungdwng, Iswrni jwbtha mwndlikou sinainw takwi be do aidafwrkou lananwi, "Thang Angni mwndlikou naigir hwidw." Biyw somaikira ladwng je jaifra swrgwni mungafwrni lagwi naigirw biswrw bifwrkou mwngwn.

12

Bese gwbangsim mwndlifra be do sinaiti aidafwrjwng gwrwblaiw?

Finnai: Jisua wrwi badi rwkha sinaiti aidafwrkou hwdwng je befwrjwng mwense lo mwndlia gwrwbw. Jisua rwkha nongyi batrafwrkou bungakwi jwrwi “Angni mwndliau gwbang mwjang mansifwr thagwn” arw “Makasefra sayao dhwrwmia dintiflagafwrwbw thagwn.” Bese gwbang mwndlifra be mwnnwi aidafwrjwng gwrwblaiw? Gaswibw. Be mwnnwi aidafra gami konani gelamal dokani arw sohoni mwense afad-abw be mwnnwi aidafwrjwng gwrwbw! Befwr gaswiaobw gwrwbwng, arw binikainw beao jebw wngti gwia. Bini ongaywi, Jisua wrwi badi dintinw hanai badi, rwkhatar, jwbwt bijirnw hanai aidafwrkou hwdwng je befwrjwng mwense mwndlia gwrwbw arw mwense lo mwndli – Seventh-day Adventist Mwndli. Fwi jwng be sinaiti aidafwrkou kebnwi anjart kalam nanwi naibaoni.



Be Seventh-day Adventist Mwndli:

1. Be AD 538 arw 1798 ni gejeraw mwense maokuli afad mohorwi taoria kwimwn.
2. Be 1798 ni unaosw ujikangdwng. Be 1840 maitaiao jagaijennw mohor ladvng.
3. Be Ji Hukumfwrkou, brwiti – Iswrni Snini Sabbath jwng lvgwse maniw.
4. Beha nabi badi bungnai jiuni banta dong.
5. Be dularai mulugni dhwrwm fwsaogra mwndli, dinwi mulugni prai gaswibw hadorfrao maogasenw dong.
6. Be Nujahojanai 14:6–14 Jisuni mwntam aidafwrni radabkou fwrwngw arw fwsaow.

Jisua nwwgkou be do sinaitifwrkou lanw twndwng arw nwwngw gaonw anjart kalamdw. Be altua. Nwwng kwmanw haya.

Gwswo Laki: Onnanwi gwswwng je mulugao gwbang mwndlifrao onsula Kristianfwr dong jerao be aidafra gwrwblaiw, natai bi badi mwndlia Iswrni jwbtha thalangnai mwndli janw haya jerao Biw Gaoni mansifwrkou dinwi lenghordwng.

13

Jisuni bicafwrni gejeraw sasea Bini onnaini sabodankou kwnasongnaini arw Babilnifrai ongarbai (Nujahojanai 18:2, 4). Beni unao Jisua bikou ma kalamnw twnbaodwng?

“Nwwgkou mwense mwdwmaonw habnw hangkrainai jadwng” (Kolosiari 3:15 KJV). “Biw [Jisua] mwdwmni- mwndlini koro (Kolosiari 1:18).

Finnai: Baibela bungw je Iswrni mansifwrkou mwense mwdwmao, mwndliau hangkrai hornai jadwng. Jaifra Babilkou nagarbai biswrkou Jisua thalangnai jwbtha mwndliau habnw twndwng – jaini koroa gaonw. Jisua bungdwng, “Be gograyao gwiwi angha gubun mendafwrwbw dongbaow” (Johon 10:16). Biw biswrkou Gwjam Rodaiao (Jesaia 58:1) arw Gwdan Rodaiao (Nujahojanai 18:4) “Angni mansifwr” bungdwng. Bini mendafra jaifra Bini gograni (mwndlini) baherao dong,

Biw bungdwng, "Biswrkoubw labwtarnanggou; biswrw angni raokou knwasonggw, arw sase laokarninw mwñse lo falw jagwn. ... Angni mendaya angni raokou knwasongw ... arw biswrw angni un un fwiw" (**Johon 10:16, 27**).



14

Mabrwi sase mansia bi mwddwmao, eba mwñdliao habw?

"Jwng boibw mwñse jiuwngnw mwñse mwddwmao baptisma hwjabai – Ihudifwrblabw eba Grikarifwrblabw" (**1 Korintiari 12:13 KJV**).

Finnai: Jwngw baptisma lananwi Jisuni jwbñai somni mwñdliao habw. (Baptismani swmwñdw dwi furawi mitinaini takwi Study Guide 9 kou naidw.)

15

Jisuni mwñse lo thalangnai mwñdlini swmwñdw dwi Baibelao gubun fwrman dongbaow nama jerao Biw gaswibw Gaoni mansifwrkou lenghordwng?

Finnai: Nongou – dongbaow. Fwiwng bekuo naifinni:

- A. Baibela bungw mwñse lo switw mwddw, eba mwñdli dong (**Epesusari 4:4; Kolosiari 1:18**).
- B. Baibela bungw jwngni dinfra Nuhuni amwl badi (**Lukas 17:26, 27**). Nuhuni amwlao twinainifrai kargonw takwi bese gwbangsim lamafwr dongmwñ? Mwñse lo – nao. Kebsebao, dinwi, Iswra mwñse nao, Bini mwñdlikou fosongbai, jaia Bini mansifwrkou firtimini jwbtha jataifwrni gejerjwng rwikhawwi langgwn. Be naokou hogarnw nanga!

16

Iswrni jwbtha mwñdlini swmwñdw dwi ma gaham radab dong?

Finnai:

- A. Beni gubwi aidaya "jwbñw gwiwi gaham radab" – be jabai, Jisuniao lo fwtai nanwi dhwrwmia janai (**Nujahojanai 14:6**).
- B. Be mwñdli Jisuni – ontaini sayao lunai jadwng (**1 Korintiari 3:11; 10:4**), arw "Switana bikou mablababw fejennw hanai nonga" (**Matai 16:18**).
- C. Jisua Gaoni mwñdlini takwi jiu hwba (**Epesusari 5:25**).
- D. Jisua Gaoni jwbtha mwñdlikou wrwi badi gwrlwiwi bijirdwng je bikou altuawi sinainw hagwn. Biw gwglwinai mwñdlifwrkoubw bijirdwng arw Gaoni mansifwrkou binifrai baherao onkar bwnw lenghordwng. Switana biswrkou lo fandwao kwklwigwn, jaifra gaoni megonfwr arw gwsfwfwrkou bini onnaini lenghor nainifrai fangtena dwnnw.
- E. Be mwñdlini dhwrwmari bwswnftifra gaswibw switw (**1 Timoti 3:15**).



17

Iswrni jwbtha mansifwrni swmwndwi ma gaham radab dong?

Finnai: Biswr:

- A. Iswrni swrgw rajjwao basai janaikou mwngwn (Nujahojanai 15:2).
- B. Jisuni “bwlw” arw “twi” jwng Switankou derhagwn (Nujahojanai 12:10, 11).
- C. Swiswgra jagwn (Nujahojanai 14:12).
- D. Biswrniao Jisuni fwtainaia thagwn (Nujahojanai 14:12).
- E. Srangni udangsrikou mwngwn (Johon 8:31, 32).



18

Firtimini soma jwbwt gwbaao jabai. Satam arfofwrni radabfwrkou fwsaokang naini unaonw Jisua fwifin sigwn (Nujahojanai 14:6-14). Be somao Bini mansifwrnisim Jisuni gwnangtar kaolainia ma?

“Nwngw nokorwinw jahasao hapdw” (Jagaijennai 7:1).



Finnai: Nuhuni amwlao, (Nuhukou lananwi) dain mansifwr lo Iswrni hangkrai naikou kwnasong dwngmwn. Jisua be jwbnaibwtwrni naoao, jwbtha mwndlini dorao nwngni takwi nebai thadwng.

Gwsawo Laki: Nujahojanai 14:6-14
Satam arfofwrni radabfwrni siriao be dain Study Guide. Be sirini jwbtha Study Guide-ao jwng nabi badi bungnai jiuni bantani swmwndwi bijirnanwi naigwn.

19

Bini jwbtha mwndliao rwikhati mwnnw takwi Jisuni lengnaikou nwngw kwnasongnw gwsaw jabai na?

Nwngni Finnai:

Nwngni Swnglufwrni Finnaifwr

1. Songsarni fanbrwini fanse mansifra China-ao dong, jaifra gaham radabkou dabw kwnasongnw mwnnakwi. Beao safrwmbw mansifwrnisim sohwinw gwbaosom nangnai nonga nama?

Finnai: “Mansini nunaiao janw hatarablabw, Iswrni nunaiao nonga, manwna Iswrjwng gaswibw janw hagou.” (Markus 10:27). Baibela bungw, “Fwrba be kamanikou dhwrmiajwng gusung kalam nanwi fwjwbwgn, manwna be firtimiao Fwrba be kamanikou fusunggnw” (Romari 9:28 KJV). Bi eke Fwrbaunw Jona nabikou bwlwgra kalam nanwi 40 dinni komaonw fura nwgwrkounw gwsf fafin hwdwng (Jona 3 balab) bi badinw be jwbnaibwtwraobw Fwrba jwbwt gwkrwinw Gaoni kamanikou fwjwbwgn. Biw bungdwng Bini kamania wrwi badi gwkrwi jagwn je Iswrni mwndliao so so mansifwr fwinaikou samlainw gudu jagwn (Amos 9:13). Iswra somaikira lakadwng. Be jagwn – arw gwkrwinw jafungsargwn!


2. Gwbang Kristiani mung lanai mansifra tarwinw gilubalukwifwtao dong nama je biswrw rwikhati mwnnai nonga arw Jisu fwifinbla langfa janai nonga nama?

Finnai: Nongou. Jisua be aidakou rwkha rwkha kalamkadwng. Biw gwbang bisoifwrkou lananwi sabodan hwdwng jaini gejerjwng Kristianfra fandwao gwglwigwn arw songhar jagwn: (1) Baradrai, (2) Fenai, (3) Be jiukou jwrtwn lanaiao, arw (4) Undulangnai (Lukas 21:34; Markus 13:34-36).

- A. **Baradrai** – a jebw maoniaiao baradrai kalamnai – jahnaiao, kamani maoniaiao, forainaiao, rongjanaiao, baidi baidiao. Be tik rkwwmwi swlinaikou gwdao swrao kalamw arw rwkha rwkha sannw hanaikou fwjwbsrangw. Be badi jiu kaminaia Jisujwng som lanw haya.
- B. **Fenai** – ao giana gwmaw eba hus gwia jayw arw swrgwni bisoifwrkou gwtao mwanna. Bidintiao gajri saogarifwr nainai, beayenni athwn kalamnai, gajri lwgwfrw, Baibel forainai arw aros kalamnaikou nagarnai, arw girjafrao thangnw engarnai. Be badiao jiu kaminai mansifra simangni songsarao thayw arw binikainw mwnnw haya.
- C. **Be jiukou jwrtwn lanai** – a Kristianfwrkou fwjwbsrangw jaifra Jisuni takwi som lanai, aros kalamnai, Bwswn forainai, sakki hwnai, arw girjafrao thangnaini ongaywi mwjang kamanifrao nangtab nanwi thanai. Be badi kalamnaia, juni tar bitangki nifrai jwngni nwjwrkou fangtena hwyw arw bengkon nanwi gahaiao bwlkaiw.
- D. **Undulangnai** – a atmik jiua undulangnaikou fwrmaidwng. Dinwi benw boinikrui dersin jengna. Jai mansia undulang nanwi dong, biw undulang nanwi dong hwnnanwi gao mitia. Jwngni swmwndwa Jisujwng rwkha sanna lanai, gwhw gwia laba dhwrmia mohor lanai, arw Jisuni kamanifrao bahagw lanaikou engarnai – befwr gaswibw arw be badi arwbao gubun kamanifrabw undulangnaiao thabainai badi kalamw, undulang nainifrai sikangabla switwkwou mwnnai soma gwkrwinw barlang gasenw dong.

3. Ang Iswrni thalangnai mwndliao bahagw labai arw ang da bi badi mabla babw kusi jayakwi. Natai ang da wrwi badi Switanjwng nasoi jananwi dong. Be manw bidi?

Finnai: Manwna Switana Iswrni jwbtha thalangnai mansifwrni jenga raga jwngdwng arw biw biswrkou jokom arw gwsf baihwnw najaw (Nujahojanai 12:17). Jisua Gaoni mansifwrkou somaikira layakwi je biswrni sayao, Naibijir kalamjanai anjart, duku daha, furawi gaglwb janai, gwbrap somfwr, arw emonki jwbwt koha janai fra Switanifrai fwina nonga hwnnanwi. Biw somaikira ladwng je, befwr, fwitarnaisw (2 Timoti 3:12).



Biw ladwng, theubw, derhasat janw somaikira ladwng: (1) Gaoni mansifwrkou derhasat kalamnw (**1 Korintiari 15:57**), (2) gaswibw kwifwt janaifrao, biw Gaoni mansifwrjwng oraibw thanaini takwi (**Matai 28:20**), (3) biswrnw gwjwnai hwnw takwi (**Johon 16:33**); (**Gitfor 119:165**), arw (4) biswrkou mablababw nagaryini takwi (**Ebraiari 13:5**). Jwbthayao, Jisua somaikira ladwng je biw Gaoni bicafwrkou wrwi badi gwrawi homna lagwn je bini akainifrai raobw senanwi langnw hanai nonga (**Johon 10:28, 29**). Amen!

4. “Mwndli” swdwbni wngtia ma?

Finnai: “Mwndli” swdwb-a Grik swdwbniifrai rao danslainai jadwng “ekklesia,” beni wngtia jabai “jaifra baherao lenghorna dwnjabai.” Besegrap gwrwbbai! Jisuni mansifra songsar arw Babilnifrai baherao lenghor nanwi Gaoni rwikhati falwao dwngjanaifwr. Jebia Jisua biswrkou lenghorw obla biswrw baptisma lananwi Jisuni jwbtha mwndliao bahagw jafaw. Jisua bungdwng, “Angni mendafra Angni raokou kwnasongw ... arw biswrw Angni un un fwiw” (**Johon 10:27**).

Beyao Nwngtangni Bibungti Eba Swnglupwrkwo liranwi Swngdw



15



16



17



18



19



20



21



22



23



24



25



26



27

Be Study Guide a 27 fariaoni mwnselo!

Mwnfrwmbw aidaya gwmwtao nwnwgoutarfwjwng bungfobna dong bifwrw nwnwgkou
arw nwngni nokorkou swlaihwgwn arw oraisomni lagwi jwrnaini mijing hwgwn.
Be forainaiao dwidengra mwnfrwmbw bijakkou nagarnw nanga!

Study Guide 15: Kristoni Hengtaya Swr?

Study Guide 16: Nokrangnifrai Arfoni Radabfwr

Study Guide 17: Iswra Bitangkifwrkou Banaidwng

Study Guide 18: Tik Somaonw!

Study Guide 19: Jwbtha Bisar

Study Guide 20: Junarni Hangkw

Study Guide 21: USA a Baibelni Bhoisot Baniao

Study Guide 22: "Gubun" Hinjao

Study Guide 23: Kristoni Hinjao

Study Guide 24: Gwnwkw arw Jadugwrfwrkou Iswra Tulunga hwyw Nama?

Study Guide 25: Iswraia Jwng Bhorsa Kalamw?

Study Guide 26: Onnaia Gwsu Swlaiw

Study Guide 27: Unfinlia

Nwnghanga jwngni sigangni 14 Study Guides-kou nubai na? Nuakwibla, be hwnai tongao lirrhortardw.

Amazing Facts India, Post Box No 51, Banjara Hills, Hyderabad - 500034

Fwrmaiti bilaikwo phwjwbnaini sigang onnanwi be aidakwo phoraiyw. Gaswibw pinnaifwrkow porainai guidao mwnnw hagnw. **Thar pinnaikwo dagi hwdw. (1) ao tanai anjimapwra thar pinnaipwrni onjimakwo dinthiyw.**

Formkwo abung kalamnw takai onnanwi “Adobe Reader” bahaiyo.

1. Nabini raoao Jisua mabrwi Gaoni switw mwndlikou fwrmaiw? (1)

Gwjou thansali Sase gwtar aijw
Mase junar Gwmwtao jwmwi
Sase gwjwng arfo

2. “Maru gwrn” –a ma jerao mwndlia karnanwi thahwidwngmw? (1)

Sunsan jaigafwr jwrwi dondorfw, hagramafwr,
baidi baidi.
Sahara marugwran
Iraq
Gobi maru gwrn

3. Gahaiao hwnaifra satam arfofwrni radabfwr: (3)

Babil-a gwglwibai. Binifrai ongkarna fwidw.
Nwrwka oraini som kambai thayw.
Iswrni bisara jagasenw dong. Sonman kalam,
mohima kalam, arw Bini gwtar Sabbathkou laki
nanwi, swrjigirikou kulum, jaia Bini nerswn, eba sin.
Mahamarifra jwbbai.
Safrwmbw basai jasigwn.
Junarkou dakulum arw bini hangkwkou dala.

4. Bini jwbtha mwndliao jwngkou dwiden langnw Jisua do sinaitifwrkou hwdwng. Be mwndlia (6)

Gwbang mwjang Kristianfwr thagwn.
Sabbath jwng lwgwse, Ji Hukumfwrkou manigwn.
Makase dintiflagrafwr thagwn.
Geder Kristian methaifwrkou rwjap naiao
rongjagwn.
Jwbwt aros kalamgwn.
AD 538 arw 1798 ni gejerao songsthani officefwr
thanai nonga.
Nabini bungnai jiuni banta thagwn.
Gubun raofwrjwng raigwn.
Dularai mulugao dhwrwm fwsaogwn.
Mwjang nofwr gwbang thagwn.

1798 ni unao sikanggwn arw bini kamanifwrkou
maogwn.

Nujahojanai 14:6-14 Satam Arfofwrni Radabfwrkou
fwsaogwn arw fwrwnggwn.

5. Marugwranao bi mwndlia besegwbao thadwngmw? (1)

Ba bwswr
1,000 bwswr
680 bwswr
1,260 bwswr
33 bwswr

6. Onnanwi mwnprwmbw nerswnni sigangao tanai hangkwkwo stambh seni swdwbri wngtini sigangao stambh nwiyo dwn(gahaini bidintipwrkwo nai). (6)

NERSWN

- A. 12 hatorkifwrni kirti
- B. Aijwni ating singao okafwr
- C. Geder gwja ajanggor jibou
- D. Thalanganai
- E. Aijw
- F. San
- G. Hinjaa goto saribai

TAR WNGTI

- Jwbtha thalangnai bahagw
- Jisu
- A 12 selafwr
- Mwndli
- Gwjam Rodaini buli hwnai huda
- Musuka kulumgra
- Romeni gejerjwng
- Switani maonai
- Jisu arw bini dhwrwmaia

7. Jisua Gaoni mansifwrkou songsar arw Babilnifrai baherao lenghorw nama?(1)

Nongou. Nonga.

8. Sasea mabrwi jwbtha mwndliao habnw hagnw? (1)

Fwsaogirini akai homnanwi
Swdrwmani card-ao gaoni mungkou liranwi
Baptisma lananwi
Gwbang dan hwnanwi

9. Gaswibw mwndlifrao mwjang Kristianfwr dong, arw emonki jaifra jebw mwndlini swdrwmafwr nongafwabw. (1)
Nongou. Nonga.

10. Befwrni gejeriao gahaio hwnai mobefra Kristianfwrkou rwikhati hwnai nonga arw biswrw gwmagwn? (4)

Baradrai jahnai
Be jiuni jwtn lanai
Baradrai usu-khutu janai Nwngni
dhwrrwmni swmwndwi
Atmikao fenai
Atmikao undulangnai
Switwjwng sakki hwnai
Radab forainai

11. Gaham radabkou safrwmbw mansifwrnisim langnanwi Iswra Gaoni kamanikou gusung kalamgwn. (1)
Nongou. Nonga.

12. Gaoni bicafwrni takwi Iswra mobe somaikrafwrkou lanai? (4)

Gwjwnai
Biswrha jengna janai nonga
Derhagwn
Biswrw mablabbaw lwmjanai nonga
Bini arw Jisuni akainifrai raobw biswrkou sekonw hanai nonga.
Biw biswrkou mablabbaw engarnai nonga.
Biswrw dhwni jagwn.

13. "Mwndli" ni tar wngtia ma? (1)

Tik jaigayao kulumgra no
Switw mansifwrni jo janai
"Lenghor janaifwr"
Gibi dhwrrwm mwndir

14. Be jwbnaí somao ang Iswrni jwbtha mwndlini bahagw janw gwsu jabai.
Nongou. Nonga.

Arw gaswibw swnglupwrni pinnaikwo hwnw ti kalam!



Mung tisonnw takai nwngtangni mung, email arw janbung nomborkwo hw. Nwngtangni unni guidefwrkwo mwnnw takai "Sabmit" ao click kalam

Nwngni mung :					
Nwngtangni Email :					
Janbung nambar :					
Nwngtangni tong :					
Nwgwr, Jilla :		Raijw :		Hadwr :	
Pin :		Bwisw takw :		Atwn :	

Nwngtangni fwnangjab
fwrmaikwo update kalam: